



CIRCULAR SOBRE OS NOMEAMENTOS ACCIDENTAIS

En data 29 xaneiro do 2014 dítase por parte desta Dirección Xeral, circular sobre nomeamento de accidentais para prazas de habilitados nacionais, recolléndose na mesma o que se debe entender por *“funcionario suficientemente capacitado”* aos efectos do art 45 do D 49/2009 do 26 de febreiro e 33 do RD 1732/1994 de 29 de xullo: será aquel que *“reuna os requisitos de titulación esixidos”*. É dicir, para que o funcionario/a do concello proposto por este último estea suficientemente capacitado, debería estar en posesión da titulación esixida para o acceso a subescala e categoría a que pertence o posto a desempeñar (con carácter xeral, Licenciado en Dereito, Licenciado en Ciencias Políticas e da Administración, Licenciado en Socioloxía, Licenciado en Administración e Dirección de Empresas, Licenciado en Economía, Licenciado en Ciencias Actuarias e Financeiras ou o título de Grao correspondente).

Na mesma circular precísase que para o caso de non reunir o requisito da titulación, o nomeamento podería recaer nun *“funcionario da entidade local debidamente capacitado e sempre para a realización de actos de mero trámite. Non podería en ningún caso realizar asesoramento legal preceptivo, nin asistir ás sesións dos órganos colexiados”*.

Á vista da problemática xurdida, en data 24 de abril do 2014 dítase nota aclaratoria onde si di expresamente *“...acorda flexibilizar o requisito da titulación, e aplicará a condición de capacitación suficiente prevista na normativa estatal. Non obstante, si resultará preciso que o funcionario proposto pola entidade conte co informe favorable do funcionario con habilitación de carácter nacional titular do posto...”*

A práctica do día a día, o paso do tempo, unido:

- ao feito de que existen numerosos concellos que non contan con persoal coa titulación esixida, nos cales sería imposible, ante a vacante do posto e a imposibilidade de acudir a outras formas de provisión non definitivas, o nomeamento de accidental que vaia máis aló de realizar actos de trámite coa prohibición de asistir as sesións de órganos colexiados ou emisión de informes;
- que cada vez máis concellos teñen vacante o posto de habilitado nacional, polo que é imposible cumprir o requisito de obter a firma do titular do posto cando non existe, e polo tanto, o nomeamento de accidental que vaia máis aló de realizar actos de trámite coa prohibición de asistir as sesións de órganos colexiados ou emisión de informes.
- que tanto o RD 1732/1994 coma o D 49/2009 non limitan as posibilidades de actuación dos accidentais, e si recollen este tipo de nomeamento como subsidiario e con carácter residual (non hai que olvidar que o mesmo procede naqueles supostos en que non sexa posible a provisión do posto vacante e tampouco a provisión por nomeamento provisional/comisión servizos/acumulación (art 33.1 RD 1732/1994 e 45.1 D 49/2009)).

Tendo en conta que a evolución normativa neste punto ven marcada polo feito de que ao referirse aos nomeamentos accidentais o art 42 do RD 1174/1987 no seu día só esixía que o funcionario proposto para o nomeamento accidental estivera *“suficientemente capacitado”*; que



XUNTA DE GALICIA

VICEPRESIDENCIA E CONSELLERÍA DE PRESIDENCIA,
ADMINISTRACIÓNS PÚBLICAS E XUSTIZA
Dirección Xeral de Administración Local

Rúa de Madrid, 2-4, 2º
15781 SANTIAGO DE COMPOSTELA
Telf.: 981 546 579 - 981 546 221
Fax: 981 546 569 - 881 997 599
administracionlocal@xunta.gal

galicia

o posterior RD 731/1993 de 14 maio substituiu esta expresión pola de “...uno de sus funcionarios que esté en posesión de la titulación exigida para el acceso a la Subescala y categoría a que el puesto pertenece “; e que na actualidade o RD 1732/1994 voltou á expresión orixinaria “suficientemente capacitado”. A maior abastanza, a xurisprudencia recoñece que o requisito da titulación se ben é un índice da capacitación técnica e da posesión dos coñecementos especializados para o desempeño de determinados postos de traballo non é exclusivo de “suficientemente capacitado”.


Considérase máis axeitado dende un punto de vista xurídico-práctico e de eficacia (que debe presidir a actuación administrativa (art 103 CE)) aplicar directamente a normativa nos seus termos e que o nomeamento recaiga nun funcionario “suficientemente capacitado”, o cal deberá ser examinado no caso concreto, de tal xeito que cada concello, na súa petición a esta Dirección Xeral, indique os criterios en base aos cales considera co funcionario proposto está suficientemente capacitado (en base aos méritos do funcionario/a, xa sexan: a titulación, experiencia, cursos realizados, conformidade do habilitado titular do posto cando estea cuberto...).

En consoancia co anterior:

Deixase sen efecto a circular de data 24/01/2014 e a nota aclaratoria de 29/04/2014 sobre nomeamento de accidentais para prazas de habilitados nacionais, de tal xeito que tales nomeamentos, por parte desta Dirección Xeral seguirá os criterios marcados polo art 45 do D 49/2009 e 33 do RD 1732/1994, debendo os concellos indicar na súa petición a esta Dirección Xeral de nomeamento de accidentais, os criterios en base aos cales consideran que o/a funcionario/a proposto está “suficientemente capacitado” (en base aos méritos do funcionario/a, xa sexan: a titulación, experiencia, cursos realizados, conformidade do habilitado titular do posto cando estea cuberto...).

Santiago de Compostela a 22 de marzo do 2017.

Dirección Xeral de Administración Local



María Fernández-Tapias Nuñez